

3 Joatkkaskuvla oahpu čađaheapmi

Tom Granseth, seniorráđđeaddi Statistihkalaš guovddášdoaimmahat

Čoahkkáigeassu

Sullii 7 oahppi 10 oahppis čađahit joatkkaskuvlla oahpu viđa jagis dan rájes go vuohčan álget joatkkaskuvlii, 6 proseanta leat ain oahpus, ja 23 proseanta eai oaččo duodaštusa/fágareivve dahje heitet gaskan (heitin) viđa jagi áigodagas. Fidnofágalaš oahppoprográmmain heitet mearkkašahtti eanet go studeremii-ráhkkanahtti oahppoprográmmain. Sámi ássanguovlluin heitet eanet oahppit gaskan oahpu gaccadettiin go muđui riikkas.

Ii leat nu ahte sii geat heitet joatkkaskuvllas eai leat ekonomalaččat aktiivvat.

Sullii 2 oahppi 3 oahppis geat leat heitán/eai álgán joatkkaskuvlla ohppui, leat bargagoahián dađistaga, dan čájehit maiddái eará guorahallamat. Oassi geat ožžot barggu lea stuorit davin go lulde. Leat geográfalaš erohusat makkár bargosurggiid “válljejit”. Dát artihkal čiekjuda dan dárkleappot.

3.1 Sisdoallu

Statistihkalaš guovddášdoaimmahat ráhkada jahkásáččat statistihka joatkkaskuvlla oahpu čađaheimis. Dat čájeha galle oahppi čađahit joatkkaskuvla oahpu viđa jagi sisá dan rájes go leat álgán ohppui vuohčan, ja man gallis eai leat čađahan oahpu dahje geat eai ceavzze eksámena/fágareivve. Statistihkka čájeha maiddái man stuora oassi jahkejoavkkuin čađaha dahje ii čađat. Statistihkka čájeha ahte golmma davimus fylkkas heitet eanemusat.

Dán artihkkalis ovdanbuktit statistihka joatkkaskuvla oahpus eará geográfalaš dásis go ohppiid ássanfylkka mielde (go leat 16 jagi). Dás leat guovllut sámi ássanguovllut³ Nordlánddas, Romssas ja Finnmárkkus, (maid viidásit gohčodit SED-guowlun), muđui Davvi-Norga davábealde Sáltoduoddara (Muđui davin) ja eará guovllut riikkas (Lulli- ja Gaska-Norga).

Eiseválldiin lea fokus joatkkaskuvlla oahpu heitimii gaskan skuvlaváccidettiin. Kapihtal 3.2 ovdanbuktá muhtun deháleamos doaibmabijuid maid eiseválldit leat bidjet doibmii unnidit heitimia.

Kapihtalis 3.3 ovdanbuktit loguid joatkkaskuvla oahpu čađaheimis, sihke stáhtusis dál ja majemus jagiid rievđamiin. Das leat maiddái buohastahttán heitin loguid golmma guovllus sohkabeliid, oahppoprográmmaid, vuodđoskuvlapoeanŋaid ja vähnemiid oahppodásiid ektui. Gáldu dáhtaide lea nasjonal utdanningsbase (NUDB), mas earret eará leat dieđut fylkasuohkaniid háldduhuslaš dáhtavuogádagas joatkkaskuvla oahpu sisváldimiin.

³ Dihto suohkanat ja osat suohkanii Norggas davábealde Sáltoduoddara, mat guttel Sámedikki ealáhusovddideami doarjjaortnega geográfalaš guvlui. Doaibmaguowl lea rievđaduvvon mángii. Dán artihkkalis leat geavahan ráddjejuvvonguovllu nugo lei 2012:s.

Leat go sii geat heite/eai álgán joatkkaskuvla ohppui barggus ja jus leat makkár ealáhusas leat sii barggus?

Kapihtalis 3.4 geahčat dan dárkileappot. Dasa leat dáhtagaldun álbmotregisttar, SSB ja NUDB indiviidavuođušuvvon bargostatistikat. NUDB leat dieđut áiggiin goas ovttaskas olbmot leat álgán/loahpahan oahpuid. Dat áiggit dahket ea.ea. vejolažan iskat gii ii goassege čađahan joatkkaskuvla oahpu.

Kapihtalis 3.5 leat váldokonklušuvnnat, ja maiddái evttohusat viidásit analysai.

Artihkkalis leat máŋgga sajis geavahan doahpaga ohppiidjoavku 2008. Ohppiidjoavku 2008 mearkkaša oahppit geat álge joatkkaskuvla ohppui vuohčean 2008 čavčča. Rievdadusat Reforbma

94 rájes Máhttoloktemii 2006 čavčča, mielddisbukte maiddái eará terminologija. Doaba «oahpposuorgi/studieretning» rievddai «oahppopgrámmman/utdanningsprogram». Doaba «dábálašfága/allmennfag» rievddai namman «studeremii- ráhkkanahhti/studieforberedende». Dán artihkkalis geavahit Máhttoloktema terminologija.

3.2 Eiseválldiid joatkkaskuvla oahpahusa vuoruheapmi

Eiseválldiin lea dál fokus ohppiide geat heitet joatkkaskuvla oahpus. Oahpahuspolitihka bokte áigot nannet buoremus beliid norgga servodagas ja dustet deháleamos hástalusaid. Sihkkarastit buohkaide buori oahpahusfáldaga lea guovddáš áSSI. Dáláš oahpahuspolitihka rámmat leat cállon Died. St. 20 (2012-2013) «På rett vei».

Alla čađaheapmi joatkkaskuvla oahpus lea dárbašlaš boahtteáiggi bargoeallima dárbbuid dustemii. Eiseválldit leat bidjan johtui muhtun doaibmabijuid mihtuin oažžut 75 proseanta čađahit ja oažžut dohkkehuvvot joatkkaskuvla oahpahusa ovdal 2015. Oahpahusdepartemeanta diehtá ahte eai visot doaibmabijut mat leat biddjon johtui lea seamma bures lihkostuvvan. Joatkkaskuvllat leat čađahan mánggaid iešguđetlágan doaibmabijuid, muhtumat eanet lihkostuvvan go earát. Lea dehálaš identifiseret makkár doaibmabijut leat beakttilat. Fylkkasuhkanat leat danne ásahan ortnega man bokte juogadit vásáhusaid.

Namuhit dás muhtun stuorit nationála vuoruhemidiid:

- Ny GIV prošeakta jagi 2010, das lei deaddu intensiivaoahpahus lohkamis, cállimis ja rehkenastimis ohppiide geain lea logat luohkás fágalaš dássi vuolemusas. Prošeakta bistii 2013 rádjái ja lea dál loahpahuvvon, muhto lea joatkán namain «Program for bedre gjennomføring i videregående opplæring».
- Oahpahusdepartemeanta nammadii odđajagimánuus 2006:s bargojoavkku mas lei mandáhhta ea.ea. identifiseret sivaid manne oahppit eai čađat joatkkaskuvla oahpu, ja árvvoštallat mihtolaš doaibmabijuid mat sáhttet buoridahttit čađaheami; ea.ea. lei das deattuheapmi doaibmabijuin minoritehtagielat ohppiide, dan vuolis maiddái sámegielagidda.
- 2005 čavčča sisafievriduvvui Máhttolokten. Dat bođii Reforbma94 sadjái. Joatkkaskuvla ohppui mielddisbuvtti dát reforbma muhtun rievdadusaid, sihke odđa struktuvrra ja odđa oahppoplánain. Reforbma mielddisbuvtti maiddái odđa vugiid doaimmahit norgga skuvlla, máŋggabealálačabut čovdosiiquin ja bargovugiiguin.
- Vekslingsmodell/lotnolasmodealla lea geabilis oahppomodealla skuvllas ja oahpahusas fitnodagain. Lotnolasmodealla lea molssaeaktu árbevirolaš váldomodellii mas lea 2 jagi skuvllas ja 2 jagi oahppofitnodagas. Mihttu lotnolasmodeallain lea

oččodit relevánttamus oahpahusa fágareivve ollašuhtima rádjái sávahahti oahppofágaid bokte, man boađusin fas galggašii leat unnidit heaitinlogu.

- Dehálaš eaktu modellii lea čanastat ealáhussii. Leat iešguđetlágan doarjaortnegat fitnodagaide mat váldet oahpahalliid ja oahppokandidáhtaif, ea.ea. sierra doarjaortnet mainna lea mihtun stimuleret ásahusaid addit oahpahalliide ja oahppokandidáhtaide geain leat erenoamáš dárbbut, vejolašvuoda hákhat fágaoahpu.


3.3 Čađaheapmi joatkkaskuvla oahpus

3.3.1 Álggahus

Dain 62787 ohppiin geat álge joatkkaskuvla ohppui vuohčan 2009 čavčča, čadahedje 70,8 proseanta ohppiin 5 jagi sisa dan rájes go álge. Dasa lassin ledje 5,7 proseanta ohppiin ain oahpus dan áigodaga maŋjil, ja 23,6 proseanta ohppiin ledje heitán oahpus, juogo ledje oahppit heitán ieža dahje eai lean ceavzán eksámenis dahje fágareivves. Dán artihkkalis lea fokus ohppiid geat leat heitán joatkkaskuvla oahpus.


Figuvra 3.1 čájeha iešguđetge čađahanmuttuid, mo dat juohkásit min golmma guovllus. Lea mearkkašahti ahte čilgehus dasa go guovtti davimus guovllus lea alla lohku sis geat heitet joatkkaskuvla oahpus, dat ahte oahppit heitet gaskan oahpo gaccadettiin. Oassi ohppiin geat eai leat ceavzán eksámena dahje fágareivve lea sullii seamma buot golmma guovllus.

Figuvra 3.1 Čađahanmuttut joatkkaskuvla oahpus, ohppiid ássanguovllu ektui. Ohppiidjoavku 2009




Figuvra 3.2 čájeha ahte ohppiin SED-guovllus, ja ohppiin Muđui davvin lea alit heitin lohku joatkkaskuvla oahpus go ohppiin ássanguovllus Lulli- ja Gaska-Norggas. Ohppiidjoavkkus geat álge 2009 lei heitin lohku 23,0 proseanta Lulli- ja Gaska-Norggas, ja 29,2 proseanta Muđui davvin ja 33,5 proseanta SED-guovllus.

**Figuvra 3.2 Heitin joatkkaskuvla oahpus, ohppiid ássanguovllu ektui.
Ohppiidjoavku 2009**



Lea tendeansa ahte heitin joatkkaskuvla oahpus lea njedjan majemus jagiid. Figuvra 3.3 čájeha ahte heitin Mudui davvin ja Lulli- ja Gaska-Norggas lea dáasset ja positiiva guvlui rievdan dan rájes go 2003 ohppiidjoavku álggi. Majnil relatiivvalaš dássedis heitinlogu ohppiidjoavkkuin geat álge jagiid 2000 rájes 2006 rádjái, de lea heitin SED-guovllus njedjan 37,6 proseanta 2007 ohppiidjoavkkus 32,4 prosentii 2008 ohppiidjoavkkus. 2008 rájes 2009 rádjái lei goitge veaháš lassáneapmi 33,5 prosentii, mii lea nubbin vuolimus lohku 2000-logu rájes. SED-guovllus leat smávva ohppiidjoavkkut. Proseantaid mielde heitin sáhttá danne rievdadit jagis jahkái.

**Figuvra 3.3 Heitin joatkkaskuvla oahpus, ohppiid ássanguovllu ektui.
Ohppiidjoavkkut 2000-2009**




3.3.2 Heitin oahppoprográmmmaid ektui

SSB čadahanstatistikka čájeha ah te oahppiin studeremii-ráhkkanahhti oahppoprográmmmas lea heitin lohku mearkkašahti vuollelis go heitin lohku fidnofágalaš oahppoprográmmmain. Dat guoská buot guovlluide riikkas ja maiddái min golmma guvlui.


Ohppiidjoavkkus geat álge 2009 čavčča, lei heitin 20,7 proseanta ohppiide geat orrot SED-guovllus ja geat vázze studeremii-ráhkkanahhti oahppoprográmma. Fidnofágalaš ohppiid heitin lei 42,9 proseanta. Oassi Muđui davvin lea 17,5 proseanta studeremii-ráhkkanahttimis ja 39,2 proseanta fidnofágalaš oahpuin, geahča figuvra 3.2.1 vuollelis.

Figuvra 3.4 Heitin joatkkaskuvla oahpus, oahppoprográmma ja oahppi ássanguovlluektui. Ohppiidjoavku 2009



Figuvra 3.5 čájeha mo heitin studeremii-ráhkkanahhti oahppoprográmmmas lea rievdan majemus jagiid. SED-guovllus lea heitin studeremii-ráhkkanahhti oahppoprográmmmas njiedjan 29,7 proseanttas lagi 2000 ohppiidjoavkkus 20,7 prosentii ohppiidjovkui geat álge 2009 jagis. Earret dan lea vattis oaidnit čielga treanddai. Muhtun jagiid lea heitin lohku leamaš unnit. Sihke jagiid 2001, 2005 ja 2007 lei heitin lohku vuolábealde 20 proseanta. Nu go ovdalis namuhuvvon, de leat unnán oahppit SED-guovllus, ja de sáhttet proseanttaid mielde heitin logut rievddadit ollu jagis jahkái, dan čájehit logut čielgasit. Muđui davvin lea heitin lohku studeremii-ráhkkanahhti suorggis niedjan 22,3 proseanta lagi 2000 rájes dálázii 17,5 prosentii. Lea maiddái oalle stuora lassáneapmi majemus lagi ohppiidjoavkku heitin logus. Lulli- ja Gaska-Norggas nijejai heitin lohku 2000 rájes 2004 rádjái. Dan manjil leat heitin logut leamaš dássedat.


Figuvra 3.5 Studeremii-rákkanahttioahppoprográmma. Heitin joatkkaskuvlaoahpus, ohppiidássanguovlluektui. Ohppiidjoavkkut 2000-2009



Figuvra 3.6 čájeha mo njeddju fidnofágalašoahpuin lea rievdan 2000 rájes. SED-guovllus álggi positiiva rievdan 2006:s. 2008 rájes 2009 rádjái lassáníi goitge fas 4,7 proseantapoeanŋain 42,9 prosentii, mii maiddái lea seamma heitin lohku go ohppiidjoavkkus lei jagi 2000.

Ohppiidjoavkkus geat álge 2009:s sihke Lulli- ja Gaska-Norggas ja Muđui davvin lei heitin lohku vuolemusas olles 2000-logus.


Figuvra 3.6 Fidnofágalaš oahppoprográmmat. Heitin joatkkaskuvla oahpus, ohppiid ássanguovllu ektui. Ohppiidjoavkkut 2000-2009



3.3.3 Heitin sohkabeliid ektui

Nieiddaid heitin joatkkaskuvlaoahpus lea leamaš árbevirolačat oalle ollu unnit go bártniid heitin. Figuvra 3.3.1 čájeha sohkabeliid gaskkas erohusa min golmma guovllus. Lulli- ja Gaska-Norggas, ohppiidjoavkkus geat álge 2009:s, lei 7,4 proseantapoeanŋa erohus nieiddaide buorrin. Muđui davvin lei erohus measta 10 proseantapoeanŋa, SED-guovllus lei erohus 6,9 proseantapoeanŋa.


Figuvra 3.7 Heitin joatkkaskuvla oahpus, ohppiid sohkabeali ja ássanguovlluektui. Ohppiidjoavku 2009.



Figuvrrat 3.8 ja 3.9 čájehit mo heitin lohku lea rievdan lagi 2000 rájes bártniid ja nieiddaide ektui. Heitin lohku bártniide geat orrot SED-guovllus lassáni vel lagi 2005-ohppiidjoavkkuin. Dan maŋnjil treanda jorggihi. Jagi 2006 ohppiidjoavkku rájes njiejai heitin lohku 48,0 proseantas 37,0 prosentii ohppiidjovkui geat álge 2008:s, muhto lei gal veaháš lassáneapmi fas lagi 2008 ohppiidjoavkkus 2009 ohppiidjovkui.

Dan guovtti eará guovllus lea bártniid heitin lohku áigodagas rievdan veaháš positiiva guvlu. Guovllus Muđui davvin lea dálaš dássi vuolemusas mii lea leamaš olles 2000-logus. Lulli- ja Gaska-Norgji lassáni heitin lohku veaháš 2008 ohppiidjoavkkus 2009 ohppiidjovkui. Lohku 2009 ohppiidjovkui lea goitge vuolemusas olles 2000-logus.


Figuvra 3.8 Bárnit. Heitin joatkkaskuvla oahpus, ohppiid ássanguovllu ektui. Ohppiidjoavkkut2000-2009



Nieiddaid heitinlohu lea mappid rievdan positiivvalaččat majemus jagiid. Guovllus Muđui davvin lea heitin 2009 ohppiidjovkui 24,2 proseanta, mii lea unnimus heitin olles 2000-logus. Manjil go lei lassáneapmi heitin logus 2000:s gitta 2006 ohppiidjovkui, de lea njedjan heitin lohu 3,8 proseantapoeanja. Heitin Lulli- ja Gaksa-Norggas lea rievdan seamma ládje go guovllus Muđui davvin. Goappaš guovluin lea dáláš heitinlohu vuolimus olles 2000-logus.

SED-guovllus lea baicca, nieiddaid heitinlohu vuhtton čielgasit negatiivvalaččat rievdamen majemus jagiid. Heitin lea lassánan 24,7 proseanttas lagi 2005 ohppiidjoavkkus 30,1 prosentii 2009 ohppiidjovkui. Nu alla heitin lohku lei ohppiidjoavkkus geat álge lagi 2004, 31,7 proseanta. Nu go ovdal namuhuvvon leat ohppiidjoavkkut SED-guovllus smávvát, ja jahkásáš rievdamat sáhttet soaittáhagaid duohken.

Figuvra 3.9 Nieiddat. Heitin joatkkaskuvla oahpus, ohppiid ássanguovllu ektui.Ohppiidjoavkkut2000-2009




3.3.4 Heitin vuodðoskuvlapoeajgaid⁴ ektui

Lea čielga oktavuhta dan gaskkas makkár bohtosat leat vuodðoskuvllas ja heitin joatkkaskuvla oahpus. Dan oaidná čielgasit figuvrras 3.10. Ii leat hirpmástuhtti ahte heitin lohku lea unnimus ohppiidjovkui geain leat buoremus árvosánit vuodðoskuvllas.

Oahppit geat álge lagi 2009 geain lei unnit go 25 vuodðoskuvlapoeajna, lei heitin lohku 71 proseanttas gitta 75 prosentii. Nuppi dáfus, ohppiin geat ožzo 50 poeajna dahje eanet vuodðoskuvllas, lei heitin lohku 2 gitta 5 proseanta.

Earret ohppiin geain lei unnimus dahje eanemus vuodðoskuvlapoeajna, de lei heitin lohku SED-guovllus alit go dan guovtti eará guovllus. Mii dasa lea sivvan, ii leat buorre dadjat, eará go ahte leat relatiivvalaččat oalle unnnán oahppit SED-guovllus. Maiddái moatti oahppi heitin addá stuora erohusa proseanttaid mielde. Nugo leat juohkán 7 «árvosátnnejovkui» de šaddet logut hui smávát. Joavkkus mas leat vuollil 25 vuodðoskuvlapoeajna leat ovdamearka dihte dušše 29 oahppi geat orrot SED-guovllus 2009 ohppiidjoavkkus.

Figuvra 3.10 Heitin joatkkaskuvla oahpus, ohppiid vuodðoskuvlapoeajna ektui. Ohppiidjoavku 2009




⁴ Vuodðoskuvla fágaid árvosánit rehkenastojuvvojít vuodðoskuvlapoeajjan. Vuodðoskuvlapoeajna čoahkkáigeassá buot oahppi bohtosiid guhtege fágas ja lea oassin dan vuodus mainna galgá beassat joatkkaskuvla ohppui. Vuodðoskuvlapoeajna lea supmi buot árvosáni dividerejuvvon lohkui galle árvosánit leat, ja de gerdojuvvon logiin. Ohppiin geain leat unnit go 8 árvosáni ožzot nulla vuodðoskuvlapoeajna.

3.3.5 Heitin váhnemiid oahppodásiektui

Lea maiddái čielga oktavuohta joatkkaskuvla heitimá ja váhnemiid oahppodási⁵ gaskkas. Figuvra 3.5.1 čájeha ahte oahppit geain goappaš váhnemiin lea vuodđoskuvla alimus oahppun, leat badjel bealli heitán joatkkaskuvla oahpus guovtti davimus guovllus. Lulli- ja Gaska-Norggas lei heitin unnit, 44,2 proseanta.

Ohppiin geain unnimus nuppi váhnemis lea oahppu allaskuvillas dahje universitehtas alit dásis, lea dábálačcat unnit heitinlohku. Majemus lagi ohppiidjovkui lei heitin SED-guovllus 15,2 proseanta, 16,6 proseanta Mudui davvin ja 10,1 proseanta Lulli- ja Gaska-Norggas.

**Figuvra 3.11 Heitin joatkkaskuvla oahpus, váhnemiid oahppodási ektui.
Ohppiidjoavku 2009**



⁵ Dat váhnen goappaš lea alit oahppu.

3.4 Maid barget sii geat leat heitán joatkkaskuvla oahpus?

3.4.1 Álggahus

Leago sis geat leat heitán joatkkaskuvla oahpus manjemus jagiid, makkárge čatnašupmi bargoeallimii? Jus sii leat barggus, makkár suorggis de leat barggus? Leat go geografalaš, sohkabeali dahje agi mielde erohusat dan ektui makkár suorggis leat barggus? Dieid gažaldagaid leat geahčalan västidit dán kapihtalis. Sii geat eai leat bargoeallimis, geat leat ekonomalaččat inaktiivvat, eai leat mielde dás.

Dán oktavuodas čujuhit SSB rapportii 2014/37 «Ungdom som verken er i arbeid eller utdanning» čállán Tor Petter Bø ja Åsne Vigran. Raporta iská nuoraid vuollil 30 lagi, geat eai leat barggus, oahpus eäige oahpahallin. Raporttas leat logut guhkit áiggi badjel ja das leat maiddái internašunála buohtastahttimat, geahča <http://www.ssb.no/arbeid-og-lonn/artikler-og-publikasjoner/ungdom-som-verken-er-i-arbeid-eller-utdanning>.

Leat oalle ollu erohusat heitimis dán kapihtalis ja heitimis nugo leat čállán 2. kapihtalis. Logut dán kapihtalis siskkildit maiddái olbmuid geat eai goassege álgán joatkkaskuvla ohppui. Čaðahanstatistikhka gusto dušše ohppiide geat álge joatkkaskuvla ohppui vuohčen guhtege čavča.

Čaðahanstatistikhka čájeha ohppiid stáhtusa čaðaheami ektui manjil 5 lagi. Oahppit geat ain leat oahpus manjil 5 lagi sáhttet danne juogo čaðahan oahpu dahje heitán manjil 5 lagi áigodaga. Daid ohppiid stáhtus ii leat danne dihtosis čaðahanstatistikhkas. Heitin lohku dán kapihtalis ii čatnas 5 jahkái ja loahpalaš dilli čaðaheami ektui lea dihtosis. Čaðahanstatistikhka guoská oahppi ássanguvlu go leat 16 lagi, mii mearkkaša dalle go sii álge joatkkaskuvla ohppui. Dán kapihtalis geavahit sin dálás ássanguvllu. Danne šaddá váttisin buohtastahttit ássanguvlluid ektui, go oahppit sáhttet fárren dan rájes go álge joatkkaskuvla ohppui.

Datagáldus NUDB leat diedut buot olbmuid álgan- ja loahpananáiggi iešguđetge dási oahpuin. Sivas go váilot diedut oahpu birra ovdal 1974, danne lea populašuvdna ráddjejuvvon ahkejovkui 19 gitta 49 lagi. Heitin/ii álgán lohku, mii dán kapihtalis geavahuvvo, lea olbmuin geat eai goassege loahpanan joatkkaskuvlla. Dat leat juogo:

1. Olbmot geat eai goasse álgán joatkkaskuvla ohppui.

Sis ii leat registrerejuvvon dáhton ahte leat álgán joatkkaskuvla ohppui. Jus dasa lassin válu dáhton goas leat loahpanan joatkkaskuvlla ja dat dáhton goas leat álgán alit ohppui, de rehkenastit dan olbmo «ii goassege álgán joatkkaskuvlii».

dahje

2. Olbmot geat álge, muhto geat eai goassege čadahan joatkkaskuvla oahpu.

Sis lea dáhton goas álge joatkkaskuvlii ovdal 2009, muhto válu dáhton goas leat loahpanan joatkkaskuvlla ja dasa lassin válu maiddái dáhton universitehta/allaskuvla álgimis.

Olbmot geat álge joatkkaskuvla ohppui lagi 2009 dahje manjil ja geain válu dáhton ahte leat loahpanan joatkkaskuvlla, dádet jähku mielde ain oahpus. Sii eai leat rehkenaston heitán ja eäige leat mielde dás viidásit analysas.


3.4.2 Heitin/váilevaš álgan

Oddajimánu 1. beavvi 2014 lei olmmošloku SED-guovllus ahkejoavkkus 19-49 lagi 20579. Okta golmmas dain, 33,2 proseanta, eai leat goassege čađahan joatkkaskuvla oahpu. Dat lea mearkkašahti alit lohku go guovtti eará guovllus. Guovllus Muđui davvin lei lohku 26,3 proseanta, ja Lulli-ja Gaska-Norggas lei vástideaddji lohku 23,9 proseanta. Vaikko leat badjelis namuhuvvon erohusat, de orrot heitin logut mudui seammalaganat go heitin nugo boahtá ovdan 2. kapihtalis.

Figuvra 3.12 čájeha mo heitin/váilevaš álgan joatkkaskuvla oahpus juohkása sohkabeliid gaskkas. Heitin lea alimus SED-guovllus, muhto 38 proseanta dievduide ja 27 proseanta nissoniidda. Dat lea mearkkašahti ollu alit heitin go guovtti eará guovllus.

Figuvra čájeha muđui ahte heitin/váilevaš álgan Lulli- ja Gaska-Norggas lea 2 proseantapoeajna vuollelis nissoniidda go dievduide. SED-guovllus lea dát sohkabealerohus 11 proseantapoeajna.


Figuvra 3.12 Heitin/váilevaš álgan joatkkaskuvla oahpus, ohppiid sohkabeale ja ássanguovllu mielde. Buot ohppiidjoavkkut



Figuvra 4.13 čájeha mo heitin/váilevaš álgan lea juohkásan ahkejoavkkuid mielde. Earret guovllus Muđui davvin, lea heitin/váilevaš álgan lohku eanemus ahkejoavkkus 35 gitta 49 lagi (boarráseabbo). Das leat olbmot geat álge joatkkaskuvla ohppui muhtumin áigodagas 1982- 1996.

SED-guovllus 38 proseanta boarráseappuin heite/eai álgán joatkkaskuvla ohppui. Ahkejoavkkus 19-34 lagi (nuorabut) lea heitin/váilevaš álgan 29 proseanta, nappo lea erohus 9 proseantapoeajna nuorabut jokvui buorrin. Lulli- ja Gaska-Norggas lea dát erohus 2 proseantapoeajna. Guovllus Muđui davvin lea dát erohus 2 proseantapoeajna. Muđui davvin lea nugo namuhuvvon, boarráseappuid gaskkas unnimus heitin/váilevaš álgan.

Figuvra 3.13 Heitin joatkkaskuvla oahpus, ohppiid agi ja ássanguovllu mielde. Buotohppiidjoavkkut



3.4.2 Leat go ožzon barggu?

Leat go sii geat heite/eai álgán joatkkaskuvla ohppui barggus vai leat go sii olggobealde bargoellima?

Høgskolen i Oslo og Akershus dutki Idunn Brekke lea čadahan dutkama makkár bargočatnašupmi lea ohppiuin geat leat gártan eret joatkkaskuvla oahpus ja geat álge joatkkaskuvlaohppui áigodagas 1994 rájes 1998 rádjái. Su čoahkkáigeassu lea ahte 7 oahppi 10 oahppis geat gárte eret joatkkaskuvla oahpus leat barggus 10 lagi maŋjil go sii álge. Son čoahkkáigeassá ahte oallugat heitet skuillas juste danne vai ožzot barggu, geahča <http://www.hioa.no/Aktuelle-saker/Faar-jobb-selv-om-de-dropper-ut-av-skolen>

Tabealla 3.1 čájeha ahte sullii 2 oahppi 3 oahppis geat eai goassege čadahan joatkkaskuvla oahpu, leat barggus dál. Dat barggolašvuðaoassi lea veaháš alit SED-guovllus go dan guovtti eará guovllus, 64,2 proseanta Lulli- ja Gaska-Norggas ja 66,5 Muđui davvin.

Tabealla 3.1 čájeha maid ahte oassi geat leat bargoellimis, lea alit dievdduid gaskkas go nissoniid gaskkas. SED-guovllus leat barggus 70,5 proseanta dievduin geain välju joatkkaskuvla oahppu. Vástideaddji oassi nissoniidda lea 61,4 proseanta.

Tabealla 3.1 Oassi barggus, ohppiid sohkabeali ja ássanguovllu ektui.

	Dievddut	Nissonat	Oktiibuot
SED-guovllus	70,5	61,4	67,0
Muđui davvin	69,7	61,9	66,5
Lulli- ja Gaska-Norgga	69,0	57,9	64,2

Eará ládje daddjon, de čájeha tabealla 3.1 ahte sullii 35 proseanta sis geat gahčče eret joatkkaskuvllas, leat barggu haga dál. SSB bargoveahkeguorahallan čájeha ahte lea 7,8 proseanta bargguhisvuohta ahkejoavkkus 15- 24 lagi, ja ahkejoavkkus badjelis, 25-54 lagi, lea bargguhisvuohta 3,3proseanta.

Tabealla 3.2 loguid ii sáhte buohtastahtit SSB bargguhisvuodaloguiguin. Dat gii lea bargguheapme lea olmmoš geas ii leat bargu mainna dine ja gii lea geahčalan háhkat barggu majemus njealji vahkkus, ja gii livčče sáhttán bargagoahtit guokte čuovvovaš vahku. Buohtastahttin dán kapihttala loguiguin ii leat vejolaš, go ii leat dihtosis man ollu bargooħċċit duodaid leat.

Lea go vejolaš jurddašit ahte dat boarráseappot, geat gárte eret joatkkaskuvla oahpus ollu jagi áigi, eanetmuddui leat ožzon barggu go dat nuorabut geat «aitto» leat gártan eret joatkkaskuvla oahpus.

Vástádus dasa lea ahte áigi čuollá bargooħcciid beali. Tabealla 3.2 čájeha ahte barggolašvuodoassi boarrásiid gaskkas geain ii leat joatkkaskuvla oahppu, lea moadde proseantapoeajnja alit go daid nuorabuid gaskkas. Nuorabuid oassi lea 60 gitta 66 proseanta, muhoto daid boarrásiid oassi lei 68 gitta 70 proseanta. Dat ahke gaskavuohta lea seamma buot guovlluin dušše veaháš erohusain. SED-guovllus gos eanemusat leat ožzon barggu, lea unnimus erohus ahkejoavkkuid gaskkas 2,8 proseantapoeajnja. Lulli- ja Gaska-Norggas lea erohus stuorit, 7,3 proseantapoeajnja.

Tabealla 3.2 Oassi barggus, ohppiid agi ja ássanguovllu ektui. Proseanta

	Nuorabut, 19-34 lagi	Boarráseabbo, 35- 49 lagi	Oktiibuot
SED-guovllus	65,5	68,3	67,0
Muðui davvin	63,4	69,8	66,5
Lulli- ja Gaska-Norgga	60,4	67,7	64,2

3.4.3 Makkár suorggis sii barget?

Makkár suorggis barget sii geain ii leat joatkkaskuvla oahppu? Tabealla 4.4.1 čájeha dárkilis loguiguin makkár ealáhusain sii barget, geain váilu joatkkaskuvla oahppu. Logut leat juhkkon guovllu ja sohkabeali ektui.

Tabeallas oaidnit ahte nissonat leat barggus eará surrgiin go dievddut. Tabealla čájeha maiddái ahte leat dihto geográfalaš erohusat «suorgeválljemis». Njeallje ealáhusa leat májgga sajis, ja sullii 55 proseanta olbmuin leat barggus ovttas dain ealáhusain.

- Measta 1 olmmoš juohke 5 olbmös lea barggus Gálvogávppašeami suorggis. Gálvogávppašeapmi lea bajimusas sihke Lulli- ja Gaska-Norggas ja Muðui davvin. SED-guovllus leat baicca guokte eará ealáhusa main leat stuorit logut.
- Lulli- ja Gaska-Norggas lea dearvvašvuodasektor nubbin dábálačamus suorggi, ja SED-guovllus lea dearvvašvuodasektor dávjjimus bargu. Dearvvašvuodasektoris leat čielga erohusat sohkabeliid gaskkas. Oassi nissonolbmuin geat «válljejít» dán sektora lea guda geardde stuorit go dievdduin. Oassi dievddut geat barget dearvvašvuodasektoris lea vuollel 7 proseanta goappaš guovlluin davvin ja 5 proseanta Lulli- ja Gaska-Norggas.
- Huksen ja rusttet ja Industriija leat dávjá ovddastuvvon bargosuorggit daidda geain váilu joatkkaskuvla oahppu. Dát guokte suorggi leat dábálaččat dievdduide. Sullii 18 proseanta dievdduin leat barggus huksen ja rusttet suorggis. Dušše 2 proseanta nissoniin barget dan suorggis. Oassi lea sullii seamma buot golmma guovllus.

- Eanadoallu, vuovdedoallu ja guolásteapmi lea ealáhus maid nubbin dávjjimus «válljeit» SED-guovllus. Dán ealáhusa «válljeit» hárvebut Muđui davvin ja Lulli- ja Gaska-Norggas. SED-guovllus leat 18,5 proseanta dievdduin ja dušše 3,8 proseanta nissoniin barggus eanadoalus, vuovdedoalus ja guolásteamis

Tabealla 3.3 Ealáhusčatnašupmiolbmuingeainiileatjoatkaskuvlaoahppu, sohkabeliidektui. Proseanta

SED-guovllus	Dievddut	Nissonat	Oktiibuot
Oktiibuot	100,0	100,0	100,0
Dearvvašvuoda- ja sosiálabálvalusat	6,5	37,3	17,3
Eanadoallu, vuovdedoallu ja guolásteapmi	18,5	3,8	13,3
Gálvogávppašeapmi	11,7	15,6	13,1
Huksen ja rusttet	18,0	1,5	12,2
Industriija	14,0	8,3	12,0
Fievrrideapmi etc.	11,8	3,6	8,9
Fitnodatlaš bálvalusdoaibma	4,0	6,4	4,8
Eará ealáhusat	15,5	23,5	18,4
Muđui davvin	Dievddut	Nissonat	Oktiibuot
Oktiibuot	100,0	100,0	100,0
Gálvogávppašeapmi	16,5	20,6	18,1
Dearvvašvuoda- ja sosiálabálvalus	6,6	34,2	17,2
Huksen ja rusttet	18,5	1,4	11,9
Industriija	12,2	6,6	10,0
Fievrrideapmi etc.	12,3	3,0	8,7
Fitnodatlaš bálvalusdoaibma	6,8	7,9	7,3
Eanadoallu, vuovdedoallu ja guolásteapmi	9,3	1,9	6,4
Eará ealáhusat	17,8	24,4	20,4
Lulli- ja Gaska-Norga	Dievddut	Nissonat	Oktiibuot
Oktiibuot	100,0	100,0	100,0
Gálvogávppašeapmi	17,4	21,9	19,2
Dearvvašvuoda- ja sosiálabálvalus	5,1	29,0	14,5
Huksen ja rusttet	18,1	1,7	11,7
Industriija	14,1	6,4	11,0
Fitnodatlaš bálvalusdoaibma	10,2	10,4	10,3
Fievrrideapmi etc.	12,0	3,7	8,7
Eanadoallu, vuovdedoallu ja guolásteapmi	3,4	1,1	2,5
Eará ealáhusat	19,7	25,8	22,1

3.5 Konklušuvdna ja evttohus viidásit analysai

3.5.1 Konklušuvdna

Kapihtal 3.3 čájeha ahte

- Heitin lea stuorit SED-guovllus go guovtti eará guovllus, sihke ohppiid sohkabeali ja oahppopgrómmma ektui.
- Buot golmma guvlu gustu ahte heitin bárniid gaskkas ja heitin fitnofágalaš oahppopgrómmmain lea veaháš njiedjan majemus jagiid. Heitin nieiddaid gaskkas ja ohppiin studeremii-ráhkkanahhti oahppopgrómmmas ii leat báljo rievdan áigodagas.

Kapihtal 3.4 čájeha ahte

- Sullii 2 olbmo 3 olbmox geain ii leat joatkkaskuvla oahppu, lea bargu. Oassi geat leat barggu lea stuorit SED-guovllus go dan guovtti eará guovllus.
- Gálvogávppašeapmi, dearvvašvuodasektor, huksen ja rusttet ja industriija leat dávjá «válljejuvvon» ealáhusat. SED-guovllus leat vuodđoealáhusat mearkkašuhti dáblaččabut go dan guovtti eará guovllus.
- Sohkabeliid «bargosuorggiválljemis» lea oalle stuora erohus. Nissonat barget dávjjibut fuolahuubaranguin, seammás go dievddut barget dávjjibut huksen ja rusttet suorggis. Dát sohkabeale erohusat leat buot golmma guovllus.

3.5.2 Árvalusat viidásit analysaide

Kapihtal 3.4 čájeha ahte eanadoallu, vuovdedoallu ja guolástus leat dávjá ealáhussan olbmuide geat áasset SED-guovllus ja geain váílu joatkkaskuvla oahppu. Vuodđoealáhusain leat mánga vuolit ealáhusjoavkku maid ii soaitte vejolaš doaimmahit buot osiin riikkas. Sáhtášii identifiseret eanet vuolitealáhusaid mat leat SED-guovllu vuodđoealáhusain ja ráhkadit vástideaddji buohtastahttiimaid dainna guvttiin eará guovlluin.

Dán artihkkalis leat ovdanbuktán loguid sin bargočatnašumis geat leat heitán joatkkaskuvla oahpus. Analysa sáhtášii joatkit nu ahte háhká loguid maiguin sáhttá buohtastahttiit bargočatnašumi olbmuiguin geat *leat* čádahan joatkkaskuvlla ja olbmuiguin geat leat čádahan universitehta- dahje allaskuvla oahpu. Man stuora oassi leat barggu ja makkár ealáhusain barget dat olbmot?

Heitin joatkkaskuvla oahpus lea veaháš vuollelis stuora gávpogiin go muđui riikkas. SED-guovllus eai leat stuora gávpogat, muhto guovluin Muđui davvin ja Lulli- ja Gaska-Norggas gal leat. Sáhtášii dan vuodđul guorahallat lea go sivvan erohusaide mat leat joatkkaskuvla heitimis nugo oaidnit 3. kapihtalis, njuolgut dat ahte gos leat ja eai leat gávpogat.